



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Pius admodum ad D. Virginem Mariam Christi matrem, quem Angeli
cecinisse coram Virgine auditi sunt, Hymnus XXXVII.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

Nostra quæso tu sis mater,
 Regat nos cœlestis Pater,
 Placeamus filio, *Aue Maria.*
 3 Gauda quia venientes
 Nato Reges offerentes
 Cornis tria munera.
 Fidem, spem & charitatem,
 Castitatem, castitatem,
 Nobis dulcis impetra, *Aue Maria.*
 4 Gauda quia tui nati,
 Quem videbas mortem pati,
 Fulget resurrectio.
 Nobis da contritionis
 Fletumq; compassionis,
 Mundus sit fastidio, *Aue Maria.*
 5 Gauda videns tuum natum
 Ascendentem, & stipatum
 Sanctis cum tripudio.
 Iesum fac nos imitari,
 Cœlo mente conuersari,
 Mites in exilio, *Aue Maria.*
 6 Gauda suos quod descendit
 Replet, firmat & accendit
 Mandatq; Paracletus.
 Illo fac nos illustrari,
 Regi, pasci, roborari,
 Vngi, rapi cœlitus, *Aue Maria.*
 7 Gauda quæ post Christum scandis.
 Et est honor tibi grandis
 In cœlesti curia.
 Virgo mater pietatis,
 Cunctis munda nos peccatis,
 Duc ad cœli gaudia, *Aue Maria.*

*Gaudia septem eiusdem B. Maria spiri-
 tualia explicans.*

Hymnus. XXXVI.

1 Gauda cœterum angelorum
 Quæ transcendis & sanctorum
 Cunctis gloriosior.
 Nostra mens se noscat, spernat,
 Fac sub cunctis se prosteruat,
 Imis sit humilior, *Aue Maria.*
 Gauda sedens Trinitati,
 2 Filijq; dignitati

Es honore proxima.
 Christo fac nos conformari,
 Eius cruce gloriari,
 Sequiq; vestigia, *Aue Maria.*
 3 Gaudemitis & serena,
 Nam tu fulges Deo plena,
 Cunctis ferens gaudia
 Semper tu nos sic illustra,
 • Vt nil faciamus frustra,
 Deo sed placencia, *Aue Maria.*
 4 Gauda tu quam contemplatus
 Parens amans veneratur
 Omnis cœli curia.
 • Plene fac nos abnegemus,
 Omnibus obtemperemus
 Mater tui gratia, *Aue Maria.*
 5 Gauda, nam his qui te colunt
 Dabit Iesus, quod nunc volunt,
 Præmium perpetuum
 Te colamus sic deuota
 Mente, nostra vt sis tota,
 Nostrumq; præsidium, *Aue Maria.*
 6 Gauda Deo sic coniuncta,
 Vt mox assequaris cuncta
 Pia quæ volueris.
 Deo nostras preces offer,
 Exauditas nobis refer
 Tuis sanctis meritis, *Aue Maria.*
 7 Gauda quia non cessabunt,
 Crescent semper & durabunt
 Tua mater gaudia.
 Fac in nobis non tepescat
 Sed plus feruens semper crescat
 Charitas & gratia, Amen. *Aue Maria.*
*Pius admodum ad D. Virginem Mariã Chri-
 sti matrem, quam Angeli cecinisse co-
 ram Virgine auditi sunt,*

Hymnus. XXXVII.

Caste matris ante thorum,
 Qua lactatur rex cœlorum
 Attollamus gaudia,
 Salve virgo stirps beata,
 Fructu cuius instaurata
 Rerum sunt primordia.
 In salutem præparata

kkk

Despe-

Desperatis si es optata
 Egrus dans remedia.
 Iuga legis quos premebant,
 Ad te vota suspendebant
 Planctus & suspiria,
 In tormentis post te flebant,
 Te lamentis requirebant
 Captiuorum agmina.
 Templum facta maiestatis,
 Pulsos primæ dignitatis
 Ducis ad palatia.
 Thimiam suauitatis
 Tu odore sanctitatis
 Perfudisti secula.
 Verbo læta, partu foeta
 Nobis datum profer natum,
 Genitricum gloria.
 Omni laude digna gaude
 Stella maris, sol quem paris
 Mundum replet gratia.
 Stella felix, felix ortus
 Cuius ductu vitæ portus
 Patet pulsus patria.
 Per te Christus parit pactum,
 Cadit hostis, ius contractum
 Mortis silet curia
 Per te salui te collaudent
 Per te detur quod non audent
 Preces & mens conscia.
 Quos reatus lapsos præmit,
 Tuo nato qui iam venit.
 Offer & concilia, Amen.

*Ad eandem D. Virginem alius pius valde,
 Hymnus. XXXVIII.*

GAUDE regina nobilis
 Virgo incomparabilis
 Rosa rosarum omnium,
 Et liliorum lilium.
 Gaude virgo dulcissima.
 Cuius corpus & anima
 Singulare miraculum,
 Sanctitatis est speculum.
 Gaude cuius eloquia
 Sunt sicut mala aurea
 Cuiusq; motus animi

Vincunt odorem balsami,
 Gaude cuius operibus,
 Tanquam stolis regalibus
 Nitet corpus Ecclesiæ,
 Vestitur rex iustitiæ.
 Gaude regina præpotens
 Aeterna luce præminens,
 Virgo nimis amabilis
 Tota desiderabilis,
 Gaude cœlorum domina
 O virgo tu pulcherrima,
 Gaude misericordissima,
 Gaude perenni gloria.
 Da nobis desiderium
 Videndi te & filium,
 Vt nostro desiderio
 Vestra iungatur visio, Amen.

Alius ad eandem Hymnus XXXIX.

AVE virgo gloriosa,
 Stella sole clarior,
 Mater Dei speciosa,
 Favo mellis dulcior.
 Rubicunda plusquam rosa,
 Lilio candidior,
 Pia, mitis, gratiosa,
 Nectare suauior.
 Cunctis gratijs ornata,
 Vniuersis sanctior,
 Terræ cœloiq; prælata,
 Creaturis altior.
 Omnis virtus te decorat,
 Angelis es purior,
 Omnis sanctus te honorat,
 Beatis, felicior.
 Mille fulges nunc coronis,
 Christo tu vicinior,
 Nos adorna nati donis,
 Omnium clementior,
 Dulcis mater pietatis,
 Pete nobis veniam:
 Et purgatos à peccatis,
 Duc ad cœli patriam, Amen.

*Privilegia duodecim gloriosissima Virginis
 Mariae explicans, Hymnus XL.*

Aue